

Nɛɔ gwaa



Nɛɔ gwaa

Nɛ'ia bɔ̃ Lua kīie, baaa pɔ̃ Lua dāwaguɔn nɛɔ ũ (Soũ 127.3). Lua wá nɛɔ aafia n̄ ɔliaanzio yā'ò, à n̄ daa a zɛwa zī dāwɛɛɛ, Lua dīlɛwɛɛ iko ũɛ, wà a ikoyā da wá nɛɔne (Iko 6.7). Laguledɔ zīɛ n̄ nɛpiɔ baade piiɔ dodo, za nɛpiɔ f̄ɛnɛngɔɔ e aa gɛ z̄ɔkũo. À kũ wàliɔ wá nɛɔ gwaaɛ, wíli n̄ toto wà n̄ da Dii zɛwa (ɛfɛsɛ 6.4). À kũ wà bee kɛ n̄ wazīa busaaɔɛ n̄ ðnɔɔ, kɛ wamɛ wá Lua ḡɛɔ ũ wá nɛɔne yāi.

Dũnia guu ȳɔaɔ diɛ, baiɔ n̄ gyāɔ ìɔ wá nɛɔ dāɛ. Lua yā z̄ɔlekīi'ea an s̄ɔu maannɔ mé ɔliaanzi mi ũ (Soũ 119.11). Tó wá ye wá nɛɔ kua àɔ na, wamɛ wáɔ zīkɛ Lua ikoyāwa s̄ɛia, wàɔ Lua yā da wá nɛpiɔne, wí n̄ toto, aai ḡɔ lá a maa aadɛwa, aaiɔ ku lan Yesudeɔ ìɔ kuwa.

À kũ wàɔ dɛ lan mae pɔ̃ wà yāɛ bee l̄ɛɛũaanɔwaaɛ. Maepi nɛɔ dasi, nɛpiɔ yā lí aà i'oo, kɛ yāvāi k̄ɔ dũnia guu yāi. A ye àɔ ɔlia a nɛpiɔziɛ, kɛ yāvāi su n̄ leo yāi. Ǿ à zèò á libu kɛ a nɛpiɔne, Ǿ à kaa kɛfena dà a lià libupizi, Ǿ à kaapi lé b̄ɔ yaasa, i pɛɛ taɛo. Bupi guu à pɔ̃ maaɔ t̄t̄t̄ kɛ a nɛpiɔ e wàɔ a baa ble zia yāi, Ǿ à líɔ tò a guu kɛ a nɛpiɔ e wàɔ yasenapa a guu we yāi.

À blebu kè, mé à gu lì nepiɔne ké aa e aao a zĩke. Maepi ikalekĩi yẽ, à í kà a pai a nepiɔ kɔɔ'okĩi ũ. Maepi zéɔ bòbo a guu gupiiu ké a nepiɔ bebe we yāi, mé à kɔɔ'obɔɔ pèlepelené, ɔ à lakakĩi bò we, à lá maa bui pii kàu. Ké a kè pii a làa, ɔ à nepiɔ sìsi a ɔ̀̀néné. À yā pɔ à kaapi dà a yāi bɔɔlekè nepiɔne.

À mè á ye an kua àɔ na swaũswaũe, ké yāe su ïadamáo yāi. Ɔ à kaapi pɔ maaɔ ɔ̀̀néné pii. A ò nepiɔne: Pɔpiɔ piiá á pɔe. Ɔ maepi eà zĩ kpaalè nepiɔne, ké an baade àɔ ke, kaapi i e àɔ ku a dɔɔwa.

À kaapi kpe yā'òné lɔ, kaapi kpe vāio, āma a kai í yāo vīe. Asa màa likpe sisio ìɔ de, wàio í pɔ yaayaao í mleɔ io diue. Lí kweao í swadɔɔ maaɔ ku a guu mé kwāɔ diue. À eà òné lɔ, aa zé vī aa ke lá an pɔ gbàwa. Kaapi guu pɔpii maae, aa fĩ aao ku we, pɔe a ïadamáo. Tó aa yei, aali bebe bàasi kaapi kpe. Asa kaapi zé ìɔ wēae. Gbēe a fĩ giné í bɔaoo. Āma yā pɔ de nepiɔ aao dɔ, ɔme de ké kaa guu we ɔ an mae kukĩi kèkeuné. Tó aa sù b̀̀le kaau aa gè sì yākeleu, an mae kuínɔ we lɔo. Asa an mae a e ledamá bàasi weo, sema kaa guu.

Wá gɔa Lua neɔ ũ Yesudeke yāi, ɔ wà yāpi lèeũòwēe. Lua pɔ pɔ kɔ̀̀sìwanɔɔ kàlewēe wepiiie, ké wà e wàɔ ku nana. À wá gbá zé tó wá yei wàɔ ku nana, sema wàɔ ku kaapi guu. Tó wá yei sɔ, wá fĩ bɔ bàasi, āma bàasipi kaiɔ die. Gyāɔ,

kaaŭa, yā'ŭa, tó wa kē Luawa wa si yākele guu, wá yāe,
Lua dee yān we loo.

Yā bee taao yāi maeo ì ní neo da zéwa. Zíkea Lua yāwa ní
ledama maa de lan kaa pɔ wà a yā'òwēewaε. Tó wá be
Lua zéu, mé wá ku Lua kaa guu, wáɔ baaa víε. Wá baaapi
ì de lan linε'iawa, ì de gale zīle.

A maa wà bɔa Lua zéu kai ɔɔ wá neone wasawasae. Pāalea
Lua zéε ì to gyā vāio ní lee: sida ní gyā pāle pɔ ì ní le wulea
ní nɔ pāleo ge ní gɔ pāleo guuɔ dasi. Baa nɔana ì gē uae. Tó
gbé gè wē ɔ ũ, ge taba, ge gee, ge gbāsíkεa ɔ ũ, a maa.
Tó yā beeo gbé kù kaa kpe, tó a ye bɔuo, a gɔ ní laasoo
dasio ní yākeleo ní wedɔa gbéεo ní pɔfεð ní zībɔnkpekeanéo
ní widaamáo ní soleo ní vīa zɔɔo. Yā beeo taa ì ŭada gbéwa,
ì de ade gyāke.

Neo daa zéwa yā gbia men kwio

A maa wàɔ wete neozie. Bee mé a to wà dónle, an kua i
kpaá ní Lua yāo, aai gɔ naaideo ũ lá Lua yeiwa.

Yā sēia - Za nefēngɔɔ à yādàda kò

Neo ì yādada za ní fēngɔɔε, baa tó wàle yāe danéo.
Ayāmeto a maa wàlio yādané zadɔ aai boo mao. “Ne da zé
pɔ de àà sɛwa, tó à zɔɔkù a bɔuo” (Yaa 22.6).

Ao zepi kūae e a wēni leu. Nefēnena lío yāe dō azīae gīao, a fō o kewae ge keewaeo. A fō yā'o n gbēeo, mé a fō yāe we gbēewao. N beeo, nefēnena ò yā pō lé ke a saeo gwa piiē. A a maeo n a bedeo yā'o n kōfō dōkōe pii. Mé aaiò gbé c dō, aaiò yeañzi n zaañguo dō. Aaiò yā na n yā'io dōkōe. Aaiò busané n keañno buubuo dōkōe. Aaiò kua dōdōa n kua kaileziō dōkōe lo. A yāi lá maeo ke n neo e aao ku aafia nieniē, n lá aa ke n pō e ào na n neo yāmusu, bee mé maa aao ke. E nepio aao gé zōkūi aao na gbēeo dōawa. Atēsa an dao, a gbea an maeo, a gbea an vīio, a gbea aai gōe n neo dōkōe. Māa neo ò yā dō.

Yā plaade - Ne da kua n a neoá yāgbiae

Da n deo kua gudoū ò do nele maamaae. A guu ō ò yā pō lé ke a saeo e. Ò yāpii sí ào dileē, yā maa ge yāvāi. Ò a de n dao yā'oa taasikae n n taa'oao pii. Bee gbea, da n deo kua n kōo n n yākea pō ne lé eo, nepi ò gwae.

Ne ò a de n a dao naawa taasikas

An yeakōi n n yaalōa kōwao, ò to neo pō ào na maamaae. Pōfēa nezi n menakeaaanōsaio n pākpaae yāio, ò to vīa ào ne kū maamaae, ké à fēle a guu yāi. Ne pō wì pākpai wào

palapalawa, yã pɔ ì nepi leɔn ke: Pɔsia, bea nĩ vĩakeao, kua suuunnɔ, nĩ mebaa gyãɔ.

Ne ì a de nĩ a dao yãkea taasikas

A daside, da ã ne ìo yei maamaa. Asa ãme ìo àà kũa àò àà zuo o. Tó ne ku nĩ a dao, àà pɔ ìo nae. Tó Baa lí Naa gwa pɔe ũo, mé ìo àà gbēgbē, lá neɔ ì nĩ taasikae, ne pɔ àò f̄ea a maezi, ké maepi lío gb̄é pɔ yeazi gwa pɔe ũo yã. Bee yã mae pɔ ye a neɔ aao misiilee, sema àliɔ nepiɔ da kpela. Yea n nazi nĩ dɔaaaleo a ɔlo nee ké nĩ ye a dazi maamaa. N ne mae, bee a to n ne àò yenzi, ìo misiilene.

Yã aaãde – Neɔ totoa

Negwaa maaá pɔe, tó wá ye wá neɔ nĩzĩ f̄ɔ zia lá a maawa, a maa wàli nĩ totoe. An totoa de yãzekalea ge yãdilea pɔ wáɔ tei ũe. Tó wá té yãdileaɔzio, a maa wàɔ teasi yã dileneeɔ v̄ie.

Ne daa zewa

Wĩ ne swāgaga ké wàle àà da zewa yãie. Swāgagaa mé ì to ne d̄ɔ gu pɔ a kuu mé ì to ne d̄ɔ yã pɔ kũ à ke nĩ yã pɔ i kũ à keoo. Tó swāgagaa kuo, ne ge ewaasona, aɔ azĩa zea d̄ɔo. Ne ì v̄iake beee maamaae, mé ìo ye à d̄ɔ gu pɔ á kuuɛ, yã

pɔ kũ à ke n̄ yā pɔ a maew wɛdɔi à keo. Tó a de màao, àà laasoo aɔ daa doño. Swāgagaa de lan kaa liaa guiwae, kaa zɔ̄leu, a gu lén we.

Beewa swāgagaa ikoyā kũ aàɔ de ne bebea gu lé ũe. N̄ili ke kewaa, nsuli ke kewao. Kaaá mikpakīie lɔ, ì kpa pɔtuowne, ì kpa kpāiowne, ì kpa pɔ pɔ su ye kaa pɔɔ ɔɔkpaowne lɔ.

Beewa swāgagaa de mikpakīi ũ neowne, ì neɔ si vāiwa, ì gi neowne n̄ gea gu pɔ aa ge si vāi guuo. Swāgagaaá dakpeunake no. Kasi i ke kpaaneé ɔ swāgagaa lé yao. Ne bɔa maa n̄ uabɔa maa yāmusu ɔ swāgagaa kui. Swāgagaa a zéwa, sema yā pɔ wàle gbé swāgaga a yāi àɔ ku.

Ne yā d̄ɔa, à kũ aàɔ pɔ pɔ a yāi w̄i kei kewaa d̄ɔ n̄ pɔ pɔ a yāi w̄ili kei kewao. Maeɔ yākea a zewa ì tekpa swāgagaaue. Ikoyāɔ bɔɔlekea a zewasai ì to neɔ feeɛ. Tó aa f̄eɛ, ɔ aàɔ gi yāi sa.

Yā siiɔde - Ne saaukpaa yāmaa pɔ a kè yāmusu.

An saaukpaa ì to aàɔ yāmaake, zɔakaanzi ì yāvāi inée An zī maa kea gbea, an saaukpaa aɔ de tekpaangu ge lemaamá yā ũ. Yā beew taa ì tekpa neu àa ea yāmaapi ke lɔe. Ne pii ìɔ ye wà kee kèkeɛ. Tó ne yā pɔ kũ à ke kè, gāgaa nepie a gbákaè à tekpa nepigu n̄ yāmaakeao. Gɔɔeɔ nili gba pɔ k̄ɔsi n̄ zī pɔ a kèɔ daè. A aà pɔ ke naɛ.

Gba yɔɔnaeɔ daa neε ké à zīkè a zéwa ge ké à è vāie yāi ì kaaagu, ké àò gèò màa. Āma tó gba lé ke mɔɔmɔɔ, ge àle gē a aseala, ne ìò azīa kūa ní wé yāi gba beeɔ yāmusue. Ǿ pɔ pɔ a yāi wìò níziā kūa dō, ì sāaagu.

Yā sɔode - Ne swāgagaa gusae

Tó ní è a maa wà ne toto zaaeɔwae, a dɔ nele àà keke yāke lá à kù a kewae. Āma nsuli ne swāgagaa gbéɔ wáao. Tó nle ne swāgaga gbéɔ wáa, nle widawàn we. Wipi a to àà pɔ ya maamaae, a to se ààò yāvāike, i āiake sa ní yā pɔ wà a swāgàga a yāipi keao.

Yā soolode - Swāgagaa ní yenzio

Ne pii kù wàli ní toto gɔɔ pɔ aa zā yāwae. Mae maa ge da maa kù ààò dō zaa pɔ á a ne swāgagawa ní lá a ke à àà daò zéwa, i ke àà ɔɔkpaā yāi no. Wì ne swāgaga ké àà e yā pɔ kù àà ke ní yā pɔ ì kù àà keoo dō yāie. I ke sō tɔsiawà ɔ wàle yá yāpi guuo, mé wìli ne swāgaga ké ní pɔ e wee yāi no bá! Yā pɔ tò nle ne swāgaga, ò a bɔɔlekeè. A maa ò ne swāgaga ní yenzioe, i ke pɔfē bɔɔɔawà yā no!

Tó ne yāké a mae ge a dae, mé da ge mae pɔ fèle, a maa àà menake gīa yɔɔ e a pɔ kpàlee, i gbasā nepi swāgaga. Mena yɔɔna pɔ mae ge da kèpi, a to da ge mae pɔ wee. Gɔɔ bee

a nepi swāgaga a zéwa sa ní yenzio ní ledaawào. Ne swāgagaa gbea, a maa ò o nepie ní yeaazi. Yã bee ì ke neone nae. I kũ ne àò e a mae ge a da yeazio, a yãì àlè a swāgagaio! Tó a de màaè, yãvãie. Pò pò a to ne laasoo kpaanla bee taa keo, ne swāgagaa gbea, ní aà gba sè ñ yenzio, ní oè lá ñ ye zia baasi n nepi àò be zé maa pò nle aà dawà guu.

Yã soplade - Yã pò n a legbè neone, nìli ke pii

Ne maeo ge ne dao aai legbè neone, ni yã pò n a legbè neone kea? Legbèa nee lío zĩ'ũo, ãma e òyõ gé legbèi nee, nìli a upa gĩa!

‡ Legbèapi a kea?

‡ Kpelewa má kei?

‡ Legbèapi a do nepilea ge a doaleo?

Yã taa guu, mae ì legbè nee ì me: Tó n yãe bee kè, má kene kewa. Ne ì yã pò a mae mè à kepi ke, maepi ì gi yã pò a mè á kepi kei, nepi pò a yae! Nepi aò maepi naai ví lan yãawa lóo, mé aò maepi wí ví lá a ziwa lóo.

Yã bee taa yãì, wà mikè legbèa neonewa. Pò pò a àike nee, òme maa wà a yã'òè. Tó n yã'ò, a maa nìli kee.

Yã swaaõde - Yã pɔ́ n ò nee n mè ñyõ ke nìli ke

Tó n ò nee n mè: Tó n yãe bee kè má n gbeẽ lao! Lá a yã ku yã soplade guuwa, ní ke màa. Tó nepi gi à yãpi kè, kpelewa ñyõ keè sai? Amole ni dile n aà gbẽ sïanao, n fele n palapalawà pã. N vĩa dàdaaazi yã pɔ́ a kepi yã. À kù yãa sõ aà nepi swãgagaè, asu to yãpi lele pão. Tó a tò a yãpi lèle pã, nepi a yãpi sìa da lɔo. Asa a dõ lá a kè tò pii, a mae a a gbeõ e kò le!

Yã keokwide - Baa n negõeo, Naa n nenõeo

Neo gwaa yãeá á zãnguo yãe, yãdadaané yãeo musu sõ, nõeo ntẽe, gõeo ntẽe. Gõeo n gõe yãze dõo guu, nõeo n nõe yãze dõo guu. Gõeo yãze dõo guu, mae mé a yãda negõeone, nõeo yãze dõo guu sõ, da mé a yãda nenõeone. Yã bee ku za wá deziõ gɔɔ màae, wá dõ kò. Yãdadaané zĩakũadõ n kãa gbãsiwaoá yãgbiae.

Yã kwide - Nìli yão læũné

Yãlæũao, yã taao n yaasio i gbáka neo gwaaee. Ledamaeo n yãbɔɔleeo i yãya ùe, mé a dõa i zĩ'ũ. Yã taao ge yãlæũa i yã pɔ́ n ye n oné piliwané wasawasa yãyasai.

Yã kefenaeo gwa ke.

✠ Yãzi maao di Bibeli guue

- † Felekaa fīo
- † Yā pɔ lé ke laguledɔɔ
- † Yāleēūa ní wá kuaɔ ge nɔbɔeɔ kua

Neɔ totoa za ní fēnengɔɔ e aa ge kaò wè aaɔ. Yādadaa ne pɔ a wé i kēoe e aà ge kaò wè aaɔ. Yādadaa neɔne za an fēnengɔɔ mé n kua ēkpalea ũ, asa wì yāda nee za aà fēnengɔɔe.

Wà yādà nee beeɔne za an negɔɔe: Mɔizi, Samueli ní Danielio. An maeɔ Lua yā ní kua gbéɔ guu yāo ní zīakūadɔɔ ní mikēa vāiwao dànée.

Lá wáli ɔlia neɔzi, a keeɔn ke:

- † Negwaa ní yenzio ní sīana’oaèò ní laaikpalea yāo. Yāleēūa pɔ a aike nee mé de maeɔ to neɔ ní dɔ Lua gēeɔ ũ.
- † Misiileayā pɔ kōsì ní neo daè za aà fēnengɔɔ, yā pɔ ne utiina a fɔ à a bɔɔle dɔ ũ: Ao, aawo, ke kewa, nsu ke kewao.
- † Tó à yāzede kè, ní aà saaukpa.
- † Tó à kù n ne swāgagaè, gaga a gɔɔwa, āma ní suuuo ní yenzio.
- † Kōɔ’oaɔ, metotoaɔ, lesiaɔ.

Yā pɔ wá tepewà wà neɔ daò zéwa keeɔn ke:

† To ne dō ké n̄ yeazi maamaa, n̄li leɔ siè, n̄li k̄ɔɔe oaaɔ, ní b̄eɔaaɔ. N̄li dikpe yɔɔnaeɔ ke n ua, Yesu ia dikpeɔ, Yesu vua dikpeɔ, nepiɔ keeɔ w̄e k̄uaa dikpeɔ. I ke s̄ ò sa dea ȳa no, ké baade pɔ e àò na, ní gba yɔɔnaeɔ da n neɔne an pɔna yaa ȳai.

† Neɔ pɔna yaa.

† W̄ali w̄a ne yɔɔnaeɔ se w̄a n̄ kpá w̄a kue, lá Yesu ì ke ȳaawa (Maaku 10.13-16; 9.36-37). Tó nle ke màa, aà pɔ ali ke nae, n̄li ɔlɔné ké aa b̄ee v̄i.

† Wabikea Luawa dadane n̄ Lua taasileao. Neɔ ìò ye k̄ɔ'oaie. N̄li gb̄é saaukpaa dada neɔne lɔ. Tó w̄a aà gbà pɔ, ìli o a saaukè.

N̄li misiilea gb̄éne dada neɔne, at̄esa mpi n̄ àa dao n̄ n gb̄z̄ɔɔ dee p̄aleɔ. Gb̄é saaukpaa dadané. Dadané lɔ aàli Lua saaukpa.

† N̄li ȳa'o n̄ neo v̄uuvuusai. Mik̄e neɔ s̄s̄awa. Tó ne nà a gb̄deɔ s̄s̄awa, b̄è kpakpa ḡɔɔ. À k̄ù n̄ aà sw̄agaga n̄ ȳakeaɔe, i ke n̄ léo no! Ke n̄ yenzio.

Wisaiȳa'oa n̄ ȳaɔsai'oao n̄ faai b̄è boao maa n̄ maɔɔ. Sema Lua saaukpaa (Efese 5.4). Dada neɔ za a f̄enengɔɔ, ké aàlì to a l̄egbe'i àò na, ìli misiile gb̄é.

- † Dada nɛɛ, tó i yãke a zéwao, aàli awakpa. ãma ìo zĩ'ũ ní nɛo zĩɛo, ké aa we ní tàaei ge aa sĩana o. Aa me, wame wà kpãipi ò, ge wame wà ɛɛpi tò.
- † Bee yãì dada nɛɛ, lá ali ke aà vãi ní maaò dõkõɛ. Bee a dɔaale aà vãi pɔ a kè dõ, i a awakpa. Beewa lɔ, ali taae pɔ a kè Luae ge bilae ge gbẽee awakpa.
- † Zĩakũadõa yãbɔɔleke nɛɛ, ne wè pla a fõ yã gbá dõ. Ke kewà, nsu ke kewàò! Tekpa totoapiu ní flão, ãma mikẽ pɔfẽ n palapalaaowa (Efese 6. 4). Tó wá ye nɛo totoa yã bɔ maa ua, sema wà kale wíli gwa ní kõo.

Naa ní Baaò aame aali kale aa gwa ní kõo, aame aalio makõɛ mɔɔmɔɔ yã pɔ kũ wà ne swãgaga a yãì. I kũ Baa netotoa yãpii to Naae adoo, ampla mpìi aa ɔdakõwae. À kũ nɛo fele ka ní maeɔla, aale yãdoũ yáɛ.

- † Nɛo guu, baa an gbé pɔ kèsãañzi, a fõ yã pɔ Baa yeio la Naawa ké à e à a sãasã dõ yãì. Yã'oa ní kõo ní kõ yãdõao, òme a to maeo ã nɛo yãlamá beɛne.

Felɛkaayã dodoake ní bui dodoakeo

Tó Baa ní Naaò an felɛkaayã doũo, bee a yã'iné ní ua. Tó wá ye wà ã gyã bee taaɛ, sema Baa ní Naaò aalio yã'o ní

kɔo mɔɔmɔɔ. Tó aale yã'okɔe, aali o n nɔsepuaɔ. Tó bui lee plaɔ ku ua doũ, a yã ɔ wàle o la. A maa bui lee plapiɔ makɔe an felekaa yãmusue, totoayãɔ n ãadaamá yãɔ. Luayã mé felekaayã n totoao yãzĩnda ũ.

Ne wè siii e wè swaaɔ daà zéwa

Za wè bee leu ne nà azĩa yã bɔɔlekeawa, pɔ pɔ tò ma yãe bee bɔɔlekein ke, pɔ pɔ tò mi yãe bee bɔɔlekeion ke. Wa fɔ yãeɔ bɔɔlekeè, ge wa fɔ yãeɔ gwaaanɔ. Baa n Naao, aame aaliɔ yã maa da n neɔne sãnu mɔɔmɔɔ Lua yãɔ musu n dũnia yãɔ musuo n lá wa ke wàɔ ku aafiao.

Neɔ daa zéwa yã kù ààɔ wá kũa gbãae

Yã pɔ maa ààɔ wá kũa gbãa de yã kĩniɔla wá wèle guun we. Lua wá gbá neɔ, a maa wà zaae dile, wíliɔ dèeka maamaa, ké wà e nepiɔ daa zé maawa ledamáe. Zaa pɔ nýɔ dile nzĩawa n dèe pɔ nle ká zĩpi guuo, Lua to n a ài e zɔɔ n n nepiɔ.

Fĩdagɔɔ

Yãa oosi, bleble laaa gbɛa, ɔme fĩdaa neɔne gɔɔ ũ. Gɔɔ bee ɔ baade ì zõle tei, ɔ mae zɔɔ ìɔ fĩda neɔne. Lá wá den ke, lá wá maeɔ ì ken ke. Yãziɔ fĩɔ, tubi yãɔ, lá gbéɔ ìɔ ku gã n

gão yãw. Beewa ã yãzipiw iw gé Kpaiowa e Wueowa. Tó neo zãwãkũ, ã aai da ní neone sã.

Wapio gbã sã, a maa wàw te felekaayã doũpizi wàw géde.

Bleble laaa gbea, wàli kale màa sã, Baa ge Naa lí felekaa fĩw da neone. Ì Bibeli yãzi pɔ kè yãaw peleuné, asa Bibeli yãpiw mé neo daà zéwa ní n kua aafiao yãdane zĩnda ù.

Bibeli yãdaa neone za uaá yã gbiae, tó aa kà wè aaõ e siiõ.

Bibeli sé, ní wá kua yã gbiao wãné. Lua yãdanepi zĩdãwẽe.

(Iko 6.7). A maa yãdaa neone ãsãanenzĩ to ua pɔ gao.

Tó wá ye wà Bibeli yãdada neone aa bɔ maa, yãzekaleao gwa ke.

† Lua dũnia kea. (Daa 1 - 2).

† Lua wá ké gõe ní nɔeo, wá dodoakõe, nenɔena ní negeɔnao dodoa kõe.

† À kũ wàw wá dodoakõekepi dõe.

† Baa ké gõe ní nɔeo dodoakõe, ampla mpii aa doũ Luae, an gbẽe de a de lao.

† Lua gõe ní nɔeo gbà ne'ia zé, bee maae. A yãi Lua ikoyãw dilei. À kũ wàw te ikoyãpiowzie. A maa gõe nɔse, nɔe sã aà zãke. A gbea aai neo i ní kõo.

Lua wá me kè. Wá mepiá pɔ maae, i kũ wàw yãvãike ní wá meoo. À kũ wàw zãble Luae ní wá meode. Bee yãi i kũ wàw vãike ní wá meoo.

Gbāsīkea, tabamia ge tabapi kaa, esewengbāa mómwa, igbāamia, ge yāvāi pāleo kea. Gõe gõekebo ní nœ nœekebo, ikoyāo ku a musu ké à kù wàò teie. Lua báa ula kè Adamu ní Eɔao. I kù wàò kō’oòò, à kù wà pónańzie. I kù nenœna àò kō’o ní negõena gõekeboòò mé negõena su àò kō’o ní nenœna nœekeboòò. Aasuli kō’oòò bauo! Wàli laaidómá. Felekaayā guu tó faai lé gé we oi, wiyāe. Yā beeá yā pò wìli o pāpā no! Yāpio guu neo lío yāe dõ gīao, mé wìli yāe dané a musuo.

Tó gbéò ku ua, lekāa yā bee taawa ní zānguoa wiyā no ! A maae, sema Baa lí yāò bòleke a negõenae gõekebo yāmusu ní zī pò ì keœ.

Naa sã, i yādoūpi bòleke a nenœnae màa. Tó Baa ní Naao aai yāpio bòleke ní neo, nepio ní pò gbea ní gbēnaowa bàasie. Kási a gbeaapi guu aa e aa a wásawasa dõ, i ea à ní da laasoo yàaau. Baa ní Naao mé kù neo yādanepi ma ní leu.

Baade ua mé yā bee taa dadakii ũ. Kyokpœ ní gālio, an zī mé gbákaa yāpie ũ gbéœne ní ua.

Neo ì yāò gbea a musu maamae, asa aa laai vī maannœ. Bee guu aa gí yā dafu pāleo dõio. Lá a maa nìli yāwe, ní ne gbaò sã, asa yālalaa guu ñ ne ì yā dõu.

Kpelewa wali yāò wemá gõekebo ní nœekebo yāmusui?

À kù wà wemá wásawasae, wásu wemá n̄ m̄afílioo, ké neo e yā gbá d̄s̄ yāi.

Wáli d̄n̄le wàli òl̄né lá p̄tuo da n̄ sao yā de: bleo, gb̄ẽ, s̄ã, ko. P̄o beeo òl̄né aaiò d̄s̄ ke gb̄ēnazīna doū n̄ p̄p̄io. Ḡo p̄o n̄le yāpi oné, ní ikoyā p̄o kù wà tei òl̄né.

Yā dafu p̄o n̄le dané, à kù aào swāgagaa yā vī teie. Yā dafu n̄ swāgagaa mé ì to wà ònkū.

Ḡo p̄o neḡõe lé ḡõekeme sé, ge nen̄e lé n̄ekeme sé, ḡõek̄ea ni a f̄s̄ d̄ed̄wà. M̄aae lo n̄ neḡõeo. Bee yā mé t̄o za ne w̄ẽ kuepla k̄õsi àò yā beeo susu d̄õe n̄ lá a ke aò azīa k̄ūa d̄õ. Lá à kù wà yāo dadané e a laasoo àò z̄õk̄ūn we. Bee a d̄o nele à azīa k̄ū ḡo p̄o laasoo beeo m̄òwà.

Yādaa ne w̄ẽ kwie ḡõeo yāmusu, n̄eo yāmusu

Sea za w̄ẽ kwi e ḡõ, ò neḡõeo ì na peleawa, nen̄eo ì na papaawa, ò me ì na lileawa. Tó ḡõee, ì les̄o, aà lo ì lile, aà k̄ã ìò p̄ae, aà me yā p̄aleo ì lile. Ò yā p̄aleo nidea ì ḡẽ aà me, ò aà bea ì lile. Tó nen̄enaē s̄õ, ì na okūawa, aà laasoo ì lile.

A maa wà d̄aa wà yādada nee melileao n̄ laasoo p̄o aaiò te melileapioziò yāmusue. Tó wi d̄aa wà a yā b̄õlek̄e neeo, yāyaaa mé ì ḡõ. Tó wi laaid̄o newa yāpi musuo, a f̄s̄ ḡõ daavāik̄ena ū. Yā p̄o Baa ali wetei n̄ ewaasoñ we. Yāpio d̄o neole aao lá Lua wá ké yā gbá d̄s̄.

Nɔ daalea

Ne pɔ aai ka màaoɔ, a maa wà nɔsia yãdadanéo. Nɔsiaá ne daaleae. Gõe ní nɔeo wulea ní kɔo gbea ɔ ì daale. Tó gõe gbene ní nɔe gbenɔo nàkɔwa, ɔ ne ì daale.

O n neɛ n̄ kpale n̄ siwà, ké zãkea gbea ɔ wì wule ní kɔo, asa màa Lua d̄ile. Tó wa kɔsè màa, ɔ wì nepi de d̄ɔ, mé nepi pɔ aɔ nama ampla mpii. Tó gõe wule ní nɔeo, ɔ nɔ ì daale, ãma à maa aa kɔsɛɛ, aai gbasa wule ní kɔo.

Sema nɔe ze ní a gɔo ado, gõe ze ní a nɔo ado.

Ayãmeto i kũ aa wule ní kɔo kɔsesaio. Tó màa no, nɔe a nɔsi, kási ne pɔ a i aɔ de uane ũo, ɔ wì me naaene. Tó i yãke a zéwa màao, ne aɔ mae v̄i à ɔliaaazio.

Tó gõe gbe nàkɔwa ní nɔe pɔò, gbẽnazĩna mé dàale we kò. Baa ké a de nɔ'itēna ũ gĩa neasakpeu, Lua mé à aà ikàsa, a gbépi d̄ɔ kò. I kũ wà zé weele wà aà bɔ neasakpepi guuo. Tó wà aà b̄ò, wà gbé pɔ Lua aà kè dèn we.

Nɔsia

Netēna ì daale, ìo ku gu pɔ Lua kèke nɔe nɔse guue. Tó à kè màa, ɔ wi me nɔe nɔsi, ɔ ne ìo zɔɔkũ neasakpepi guu. Ɔ Lua ìo dɔ nepile àò zɔɔkũ, aà meguo ìo pae e wàò gé ne'ii, ì ka mɔ kēokwi. A maa nɔsindee lío bl̄e maa bleɛ, ké à e ẽ gyãɔne, aà me ìo aafia, ne ìo zɔɔkũ a zéwa.

Ne'ia

Tó ne kà ia, nɔsindee ì gé ne'ikīi, àà nɔse'õma ì gēgē yɔɔ. Wāwāpi ìò ku e ne ge bɔ̀. Nɔe lootoo ne'inaɔ mé aai do nɔsindeele an ne'ia guu. Ǿ an sɔu ìò maà n netēna kpaa n gbáao n yā sēia pɔ̀ wì ke nepieo.

Tó wà ne'ì aafia, pɔna sà zɔɔe uadeɔne. Tó nenɔena ge negɔena a da là, lá ne ì bɔ̀ a da gbɛɛu yāi, wa fĩ oè, gu pɔ̀ Lua kè nɔɛe osoobokīi ũ, ñme ì wēwē, ñ netēna ì bɔu.

Gɔ́ekebo yā n nɔ́ekebo yāo

Baa mé a gɔ́ɛɔ gɔ́ekebo yāo bɔ́leke a negɔ́ɛɔne, Naa mé a nɔɔ nɔ́ekebo yāo bɔ́leke a nenɔ́ɛɔne sɔ́. Aai a bɔ́lekené zéze lá yāo i lile. Yā pɔ̀ ì lilepi keeɔ mé zɔ́kūiao ũ, kāo bɔ́lea, lɔ̀ ì lile.

Naa mé a nɔɔ yā bɔ́leke a nenɔ́ɛɔne, i ɔ́kūayā bɔ́lekené. I oné, tó au lé bɔ́má, aasu vīakeo, lá ì ken we. Gɔ́ɛɔ aubɔ́amá ìò nɔse'õma vīe. Lá ìò den we lo.

A maa nenɔ́e àò bee gbá dɔ́ maamaae e àò gé àà lei, ké àà e ẽ yābɔ́nsae pɔ̀ ì to vīa n kúpie.

Baa i zīa'eyā bɔ́leke a negɔ́ɛnae, i oè zīewá a í geele e à bɔ́wa, atēsa gwā. Lá ìò den we, tó asu è màa, asu to vīa a kūo. Í bee taa bɔ́aá pɔ́siayā no, āma a maa negɔ́ɛna àò bee wēele n azīaoo ba!

Baa i oè lo, nɔɛ ni a fĩ àò àà de. Lua mé dìle màa, ãma a maa wàò wazĩa kũa dõɛ. Lá màa ìò de, ayãmeto wì nɔsɛ, wì zãkɛ. Õme ì to wà wulea ñ kõo nide. Zãkea gbea mé maa wà wule ñ kõo. Lá màa ì kené, a maa negõɛ ààò azĩa kũa dõ, ké àà e ã kõo'oa ñ nɔɛo pɔ a gé mɔi ñ wulea ñ kõoɛ. A maa Naa yãdoũpi bɔɔleke a nenɔɛe lo.

Wulea ñ kõo ni pɔ ì dede gõɛwa, ìò pãsi maamaaɛ. Lá ì ke gõɛɛ, té ã wa fĩ lɛũò. Teá pɔɛ wá aafia yãi, ãma tepi i su gõ kai ù zĩeoɛ. Tó té ku gu pɔ de àò kuu, ìò kãfia víɛ, ãma tó té sù fẽle gu pɔ de à feleuo, kai sà zõɛ.

Beewae ñ wá megupi yão nideao. Nɔsea ñ zãkeao, õme gu pɔ Lua dìle tepi lí feleu kii ù. Tó tepi fẽle gu pɔ de à feleuo, wulea ñ kõo bee mò ñ yãpãsiɔn we.

Kõnidea bee ì daale gɔɔ pɔ negõɛ ewaasokeme sɛɛ. Nenɔɛ kii sã, gɔɔ pɔ àle papaaɛ. Bee yãi a maa maeo lí dɔ ñ neɔle ñ tefelekii yãkekeao e a felegɔɔ àò gé kái. Pɔ pɔ wali tekakiiipi kekeò, õme yãdadaané ñ ledaamáo ù.

Lá màa ì ke, a maa ne àò a gbá dõɛ, asa tó wa kè a zéwa, yãvãi no. ãma à kũ nepi àò dõɛ, io azĩa kũa dõ.

Lɛdaa neɔwa ñ í daané yãe beɔwao:

✠ Lua yãzekalea guu kõsea gbea mé kũ wà wule ñ kõo.

✠ Wulea ñ nɔɛo zadõ wi nɔpi seoá yãvãie, gbé fua azĩa kii yãn we.

‡ Wulea ní nọ ge ní gǒ pọ ni seoo, ì to gyā bui kaali ní lee,
gyāvāi pọ ì ní le deńla mé Sida ge kēnupua ũ.

Daapi kea ì ní kefenke ɔ̀okpa, ì ní beee láa. Tó aa kà kǒseawa,
a yā ìò ìakpańnọ, ké baasē sīana ku we lọo yāi. Asa gǒ ní
nọpio aaliọ kǒ naai vī lọo, aaliọ ye kǒ yāi lọo.

Yādadaa ne wè kue'aaǒe e gea ae.

Tó wàle yādané yāeọ dọo guu, a maa gǒeọ nízei nọeọ nízeie,
asa ne pọ kà bee taawaọ daazéwa ìọ zī'ũ zīeọe, yāo fǒ dede
ne bee taaowa gbāugbāu. Ǔ an ledama maà líọ àao! Ǔ aai
me: Lá wa yei wa kee. Gọọ bee sa ǒ aaiọ be ní ńnọkēsāmao.
Za ne wè kue'aaǒ leu e aà ge zǒokũò, a maa Baa ledawà ké
aàọ ku ní aà laasooo, asu sāaaguo, ké à e ē yāe beeọne:
maakǒesai, zọa, sole.

‡ Kua a zéwa mé gbia. Baaọ yā'oa ní a keao kũ aàli
kǒsee. Ǔme zīkea lá aale òwa ũ. Asa neọ ì mọafili
dǒmá kpaae. Mae pọ ì yā'ọ mé ili zīke yāpiwao, aà
neọ lí we misiileeọ.

‡ Sīana mé kũ wàliọ o. Lá wàliọ ke neọ e dọeke ní
sīanaon we. A maa wà mikē eetoawa ní yāba'ulena
kekeao.

‡ Yā pọ baade aliọ yá mé yeakǒi ọlọakǒe ũ, i to ne ní a
maeo aao kǒ naai vīe. Mae pọ an laasoo ìọ ku yā pọ

ń neɔ yei keanéwa, mé aa ń neɔ gbà laai, an neɔ ì ń
yãmae.

‡ Àli kale, ìli yã'o ń kɔo. Bee mé maa, ledama ń tɛɔ yã
lí gẽ ń swãu kãndoo.

Ãma tó wì kale wà yão gwa ń kɔo, bee a to yã pɔ wáɛ yá
ledama ń tɛɔ yãmusu, neɔ aa a gbá dɔ.

Ne pɔ kà wè kuepla e gea aɛ pii dɔ lá gɔ̃ekebo ń nɛekebo
yã de, mé aa dɔ lá wì keńɔ. Yã pɔ maa mé de ké maɛ to
ń neɔ yã bee boɔle ma ń leu. ń beeo, aa gí a daside mai ń
gbẽnao k̃iio, atẽnsa a pɔ pɔ aa mà, wa a sãasã dɔo. Bee yãì
à kale, í gwa ń kɔo, í yã pɔ neɔ mà gu pãlei gbɛamá. An
oaé gbea, ã á dɔ sa lá á ń da a zéwa. Neɔ daa zéwa
yãzĩndaɔn ke:

‡ Ɛa ñ idadané yã pɔ ń d̃ané yãa, za wè siiɔ e kuédowa.

‡ Yã pɔ ne lé gbɛama pii, níli wewà.

‡ Yã pɔ de luasisiyã ù kua dasi guu ń lá a maa wàò
ńzĩa k̃ua dɔo.

‡ Ní to swãgagaayã àò ku yãpiɔ guu ń yã pɔ de ua gea
aɛ ùo, yão kea zéze ń ua webɔao ń blekeao. Níli gu
pɔ baade a waa ledaè, d̃ò búɔ kea, níli to an ɔ àò ku
yão guu. Bee a d̃onle aao k̃o naai ví an lé iɔ doũ ɔ.

‡ Lá ne a yãma, níli ze bee leu, ní swãdɔ àà yãì, nsuli
ń tàae eo. Tó nle yã'ónɔ, níliɔ weeamá.

✠ Nìli wεεle ò yā pɔ ne lé keɔ dɔ zεzεaaazi sai. Asa zεzεaaazi laasai a to àà feeε.

Laguledɔ nìliɔ wabike Luawa n neɔne dodo.

Nìli dɔnle yāε beεɔ guu lɔ

✠ Tea gbēna maaɔzi.

✠ Taala maaɔ n̄ bao taala maaɔ kyokea.

✠ Luasisia zaa dile n̄ wabikea Luawao, ké àà e yā gbá dɔ i kasaakū, i ònɔkū a yāzεkaleaɔ guu. Tó nle ke màa, nle n ne da zé maawae.

✠ Aàliɔ Bibeli kyoke, iɔ a waaipa, iɔ a yāε kū a miu.

✠ Aàli gé gā n̄ gāo luasisia n̄ Bibeli yādadaaɔ guu, tó kāaaapiɔ kōsiaaɔ.

✠ Aali yā pɔ lé ìadamáɔ okɔε, aali wabike kɔε, ké aa e gbāa e, Lua i dɔnle.

✠ Dɔ an sáadee pɔ yādoũ lé n̄ keɔle, ní n̄ gba s̄.

✠ Yāpi ke n̄ laaio n̄ wabikea Luawao, ní kpale gbēpāleo gēzĩ, lá a ke nepiɔ yāmusu n̄ yādadaanéɔ n̄ zĩ pɔ aa keɔ n̄ nɔkpamaɔ n̄ gɔkpama maaɔ eanéɔ.

Wè pɔ gēɔ guu, ewaasɔ n̄ wēndiaɔ gāli ò kue an yāo gea ae yāi. Wá Yesu gāli n̄ Yesu gāli pāleeɔ ò yāo zεkale lɔε, ewaasɔ n̄ wēndiaɔ yāi. Aaìɔ yāε kea n̄ kōɔe oao v̄i.

Tiasa, maε àli kōɔe oao zεkale ewaasɔ n̄ wēndiaɔne, í dikpenaε kea dilené lɔ. Asa yā pɔ a neɔ zedɔ kesai n̄ pɔna

kesaio, ì to aa si yāu gǔ̄ɔ. Ǿ aai gǔ̄ vāikenao ũ, gbé̄ pɔ aaiò níziakũadɔo ũ.

Gu pɔ áli yāmaaeo tāmaa gba dau á neo yāmusu, a keeɔn ke lo. Atēsa ne wē̄ kuepla e gea ae.

† Luasisi yādadaa gā́ n̄ gāoɔ, Bibeli yādadaa, a gbea aali kǔkpaalekpaale, lá wì ke Pasiteeo káaaao guuwa, aali Lua taasile, aali wabike Luawa. Āma a kù gbēzɔ̄o mendo àò kuńɔ, ilio weteńzie.

† Yā pɔ ali n̄ me weeo kea, aai bānɔlekīi keke, aali kpedo gbé̄ pɔ an ɔ lé n̄ kpe leɔne, aali gbada, aali yā dafuo zé weele.

† Aali ɔkakɔ̄u, aaliɔ zīke, libaaɔ, ikalekīiɔ keke, í yā pāleo, dasi búá keaɔ.

† Ǿlia yāɔu. Tó wà yā pɔ ì ka neɔgue sè, gālie bee i yā pɔ ále e a musu o, gāli kee i yā pɔ ále e a musu o lo.

† Pɔ'ɔbɔnao lea, lesinao, lesia oosi n̄ pɔ'ɔbɔnao leao.

† Kɔ̄ɔe'oa, ge videoeɔ, ge teatika.

† Meweaa kɔ̄ bui dodoaɔ oa.

† Ǿzĩdadaaɔ, bebeaɔ, felekaayāɔ gwaa.

† Blekea dadaa nenɔeɔne.

† Ewaasoɔ n̄ wēndiaɔ gāliɔ dilea lá wì kewa.

Zĩbeeo pii kōsì maeo da neɔne, a maa wà yādanede e n̄ gbé̄ pɔ ali weteńziɔ. A maa wà dɔ̄nao e zĩpi guue. Wa f̄ɔ dɔ̄napi keeo weele maepiɔ guu. Baaleaɔ, pɔ'ɔbɔnao lea,

kōwəɔ daané, ɔzĩɔ dadaa, kĩnakea, felekaayāɔ, baa nepio
deziɔ, an ɔ a fĩ àò ku yādadaa bee taao guu.

À ləda á nɛɔwa lo aa mikē yāpāpāɔ keawa:

† Wulea n kōo yā faaiboa n n nɔkpamao ge n n
gōkpamao.

† Mikēa taala pɔ lé wulea n kōo yā'oo kyokeawa. Ge a
fotooɔ gwaao, ge a videoɔ gwaao. Ge a bao taalaɔ,
ge a sīnimaa pɔ lé lá wì keo ɔlɔnɛɔ. A maa wàli videoɔ
gwa n laaioe, asa a daside vāie mé yāɔɔsaio di n guu
n gbāsīkea bui piio.

† Ásu wei á nɛɔne aa gé video vāi gwaio.

† Kōo pɔ ì n me fele oa n nɛɔo maao.

† Ō pɔ gōe ì wā n nɛɔo n mefeleo.

† Ewaaso n wēndiao ɔmamaakōwa. ɔmamaakōwaá
kōsea gbəa yāe, asa ɔbiibiiakōwa mé wulea n kōo sɔu
ũ.

† Ewaaso n wēndiao faaiboa mpla.

† Dabudabukea.

† Telepaa n lotolipaa. Ì gbé ɔa siwà pā, mé ì gbé da
yāfaasaikəu.

Ewaaso ì laasooke zīeɔ i me, wà wule n kōo e wàɔ gé kōseiɛ.

Ewaasoɛɔ ìɔ e tó wi bee keo, waɔ e n gāe lí gbāaoe.

Wēndiaɛɔ wìɔ e sō, wa ne e ioe. Laasoo bee taaá laasoo

kpaanlae. Gõε pɔ menakè à nɔsè, ò à gbasa nɔpi dõ, ge nɔe pɔ menakè à zākè, ò gõepi gbàsa aà dõ, aai kua newa yā? Menanaɔ kõse ò gbiae, mé an nɔe ò baaa vī. Bee lé me gyāe i kpané n n'iaoon we. Bee gbɛa tó gbẽɔ dā e aa kõsè, aai kō naai vīe mé an kua n kōo ò nae, mé an baasē ò gbāa.

Nɔsea a zɛwa

Nɔsea mé ua ěkpalea ũ. Tó nɔsea kè a zéwa, ua ò aafiae. Tó a de màa, wa ɔlia nɔzi e a zéwa. Nɔsea ò maa tó nɔ n gõ lé doũ. Maakõε pɔ a to aao Lua pɛã ke an kua n kōo guu a bɔ weε. Lua pɛã de kpelewa nɔsea guu ni ? Daalea 2.18 guu Lua mè: Gõε kua ado maa, má dɔnlɛde kèè aà gbẽdo ũε. Nɔsea, i ke ké wà e wàò wule n kōo yāie adoo! Ké gbẽɔn plapiɔ aao gbẽke vī n kōo yāie. Gõε n a naoá gbēna fẽεɔne, mé nɔéá gõε gbẽdoε.

Bee lé me tó aale yā'o n kōo, aali tó boo na líɔ bɔ n leu. Tó aale yā'o n kōo, aali me kpelewa wá kei? Wá sé kpelewa ni? Lá gbé lé e, òli o a gbéε. Bleblea gbɛa, gbẽɔn plapiɔ lí faaibo n Luao. Aali n nɔe yā n yāpāle pɔ a aikené n n nɔe gwa n kōo. Pɔlu mè: Nɔsea kũ aà ku a zéwae gbāsīsai. Gõ n nɔo lí wei kōε a zéwa yākelesai (1Kln 7.1-5).

An ɔdaakɔwa mé a to an nɔe aao n kua nide. Kõnaaikea n ēa vāieo mé a to an yāo teke. Tó gõ a nɔ naai vīo, òli zeaano

adool, kási an neɔ gé yāpi dōimáε. Mé yāea yādadane bee musuo.

Yā pɔ Lua lé yá medoũkepi guu mé de an neɔ n̄ yāma ũ (Mal 2.13-15). Tó Baa n̄ Naaoyei màa, sema aao de luayāmanaɔ ũ. Gbɛ́ɔ kua n̄ ua Lua yāmaa n̄ zĩkeawào mé kũ àɔ de nɔsea n̄ neɔ gwaaoo ěkpalea ũ. Nɔsea n̄ zākeaoá kua n̄ kɔo e n̄ wēni leu yāε. Giakɔzi ì ua n̄ neɔ òɔkpae. Ké Lua mè: Nɔsea n̄ zākeao mé ua ěkpalea ũ, aa zĩke yāpiwa sãnu. Baa n̄ Naaoye, aa n̄ neɔ gwa a zéwa yākelesai.

Kpelewa wà dɔ neɔle aa kɔse sɔukei?

Kɔseaá legbɛa Luaε bila wáa yāε. Gɔ n̄ nɔo aa zeò wàɔ ku n̄ kɔo e n̄ wēni leuε. Aa zeò wa kɔ aso seε, wi n̄ uakpa gu pɔ wao n̄ neɔ gwau, wi sɔuke n̄ neɔ yāmusu, n̄zĩa yāmusu n̄ busu yāmusu lo.

Nɔweleaá yā gbiaε maamaa, Baa n̄ Naaoye dɔ n̄ neɔle yā bee musu, ké aa e bo nɔ maawa, aai kɔse. Tó ne kà wē bee leu, ní na faaiboaaanɔ nɔsea yāmusuwa. Lá a ke à gbɛ́ pɔ wa kɔse wàɔ ku n̄ kɔo e n̄ wēni leu e.

Wetεa yāε beeɔzi

✠ Nɔ ge gɔ pɔ kɔsi n̄ gbɛ́o luasisiyā guu, tó gbɛ́ ye nɔ ge gɔmaa e, sema aà Luayā kũa àɔ gbāa. Baa n̄ Naaoye

kù an ɔ àò ku a guue. Pɔlu ò wásawasa à mè: Ásu nakõwa ní Yesusaideoo (2 Kln 6.14). Gbé bee taa sea i kõsi ní Yesudeo. Dɔ n nele àà gbé pɔ zè ní Yesuo láawa wéele.

✠ Gõ ní nɔo kua ní kõo wẽ aɔ dasie. Tó aale yãdoũ yá mé aa ãnɔ, ã aao na ní kõo sãana, aai gõ Baa ní Naao ù gbezã.

À kù ewaaso laasooke, nɔ pɔ á ye aàò de a neɔ da ù zia, aà yãò ní aà dàaò ìò maa. Maa ní wëndiao, aà laasooke, aà ewaaso pɔ a dàa maa wéele, iò de a neɔ mae maa ù zia.

✠ Wàli wete yãe beeci: Gbépi aafia, aà yãkeaɔ, aà dàaɔ, aà kua dasi guu, aà pɔblea yãò, aà laaidɔa azíawa, aà zíkɛa, aà zīakūadā, aà luasisiyā.

Yãadeɔ mé aai gõke nee. Aa mè aai nɔ wéele nee. A keeɔ iò zé vī, a keeɔ sã líó zé vīo. Tó daeɔ pɔ è we kò, bee m̀. Aali lasooke gbẽɔn plapiɔ kua ní kõo yãwa lo.

✠ Tia sã, ewaasoeɔ ì nɔsea sɔuke, aali leza ní bedɛwao. Lá aa kɔ'è g̃ò, nɔsea ge zãkea mé fèle we. Ñ aai mae zõ laaide pɔ aa yãò dõò b̀òbo. Tó yã a zéwae, a maa an bedɛ líó ní yã dõ. Yãpiɔ mé a to aa laasoo maa ke aa gõ maa ge nɔ maa e ní neɔne. A maa gõ ní nɔo yã men aañe bee ke.

✠ Aaɔ yã pɔ aale yáó ní yã pɔ aa yeiò dõ.

‡ Aa kō daeɔ dō.

‡ Aa kō luanaaikēa dō.

Daε lεε plapiɔ yā'o n kōo n n gbēna naaideɔ n wabikēao. Yāpiá mēna yāε, sɔukea yāε, ké gbēpiɔ aao ku n kōo e n wēni lεu yāiε. Ānsueblea i gō bēdeɔ n nɔ bēdeɔ gbēke kāfi e nɔse gɔɔ ge kaò. Baa ké yāɔ lé lile, ānsueblea i laao. Ānsueblea gō tia ɔwεlekīi ũ gueɔε.

A gɔɔ kà sa, ké wà wete felekaa ānsuebleai n gupua pɔ Lua yā m̀òò, wí yā pɔ maa wεle wà dile. Tó nɔse kākù, dɔ n nele aà a nɔse yāzekale lá Yesu gāli a yā dilewa. ɔ zōɔ blea sai.

Yā pɔ maa mé yeakōi n misiileakōεo n pɔnao ũ, gbēɔn plapiɔ i yā pɔ aa yei o Luaε n bēdeɔ n n gbēnaɔ wáa, ké wà n uakpa n Lua dɔnleo, gu pɔ wa gēgēu n pɔnao, an kua iɔ báaa vī gupiu, iɔ de n Yesudeke seela ũ.

Baa n Naao maakōε

Nεɔ gwaa maa, i bɔ Baa n Naao maakōε kīiε. Wēle guu, tó maε lé doŭ, ã nεɔ ke maa, yā dadakīiɔ fī nεɔ kεkε adoo, sema tó ne maε lé aɔ doŭ. Wàle kɔaikēnɔ kyokpɛu, maε mé aa ɔdamá sa n Luayā dadaané āsānenzīo n εwaasoɔ gāli yākea pɔ a nεɔ zedɔɔ.

Tó maew lé doũ, ì dɔ neɔlee, aa fĩ yã zĩũɔ baa vĩ n̄ yãa pɔ lé n̄ leɔ. Yãa ì ne le kyokpɛu a neɔeeɔ guu n̄ gbě gbãaɔ guuo.

Tó ne lé misiile a maewne, yã nae. ãma yãew guu, tó àle faasaiyã ke, Baa ge Naa ado a fĩ yãpi gõgõo. Tó aa gè gbě pãleɔ lè, aa wete yãpizi, aai gõgõ. Dasi mé ì kpé sé! Aa zĩble yã dasi pɔ lé ãada neɔwaɔwa. Bee yãĩ leɔoũkea ài vĩ zõɔ.

Gõa mae ge da ùá Lua gbae.

Yã s̄eia pɔ Lua ðile gõe n̄ n̄eoen ke à mè, àɔ ne'i, íɔ k̄. (Daalea 1.28). Ne'ia mé bui dasikũa ù, uaw guu, busuw guu. Nɛpiɔ gwaa a zéwa lá Lua yeiwa, ðme a to uadeɔ n̄ busudeɔ Lua yã d̄. Ne pɔ aale n̄ maew yãmaɔ, an maew pɔ ìɔ namáe. À d̄eka à á neɔ gwa lá Lua yeiwa.